

ME HYE ASE WO NYANKOPON NE DZIN MU, ODOMFO, MBOBORHUFO NO.

Fida Nyamesemka: Ebowbira19, 2013.

(Friday sermon – 18<sup>th</sup> April, 2014 – Fante Translation)

### **MUSLIMFO HON NOKWAR SU NA HON AHYEDZE.**

O! Hom nkorofu a hom agye edzi! Hom nsuro Allah de mbre ofata de hom suro No; na mma owu mmboto hom gyede ber a hom wo ahobrase mu (3:103).

Kuran ne nyiyimu yi kyere nokwar gyedzinyi ne gyanabew; nokwar gyedzinyi a ohye Taqwa (tseneneeyɛ) ne ahyehyɛdze nyinara ma. Se ahyehyɛdze yi yebo no tofa a, de mbre Kuran Kronkron kyere no a, ono nye de hen adwen boko eyiedze a Nyankopon wo na eyiedze nyinara adasamba wo. De mbre yebobo mbodzen aye ndzepa ahorow nyinara, yebobo mbodzen ahye Nyankopon Ne mbranse nyinara ma, de yebegye Nyankopon onye N'akonhyefo (Nyankopon N'asomdwee na Ne nhyira ndwir hon do) hon nkonye nyinara ato mu na yedze ako nyee mu. De ebekan woho de obi a egye dzi no nko nnyewo muslimnyi nnwie. Oye adze a oko do daadaa de ibedzi Nyankopon Ne mbranse no do a afa Nkonhyenyi Kronkron (NNN) no supa no. Nyia a odzi iynom nyinara do no wobotum afre no gyedzinyi nokwarfo.

Akandzifo a mma wowo Nyamesom ahorow mu no yee asobrakye wosiane woenndzi mbranse no a wodze maa hon no do; na se hen so yenndzi Taqwa do na yeyar asobrakye ma Nyankopon Ne mbranse na hen ahyedze a, ono hen so wobetsea hen na wama owu aboto hen wo tsebea bi do a obeye de obi a onntaa ndzeyepa do. Gyedzinyi nokwarfo wode onya Nyamesuro na otaa kyekye hwe dza obema o'aye setsie ama Nyankopon. Onam iyi do ma gyedzinyi nokwarfo ahwer wiadze yi mu egyapadze mpoa mma ommbu no adze bi. Awofu, anyankofu, ebusuafu anaade okun, yerna mba, nwomahufo wo Nyamesem mu onye hon a wokeka ho; hon mu biara nnyi ho kwan de obebra obi de onnyi de oka Nyankopon Ne mbranse do.

Ankorankor biara noara bobu noho nkontaa wo Nyankopon enyim. Ebusua o! anaaso anyenkofo o! sunsum mu akadzi papa no o! Adabrabafono o! hon mu biara nnkegye obiara n'adzesoadze asoa. Islam Nokwar mu no nyeebodwendwen Nyankopon Ne nsenkyeredze ho, ebege Nkonhyenyi Kronkron (NNN) no ato mu, ibeyi woho efi ndzeyee a odze ohaw ba na edze Islam no nokwar sunsum mu ntseasee aye som no. Nyankopon ada no edzi de hon a wonnyi Taqwa no Onngye hon Asor na Aforbo nnto mu. Nokwar oye kwan a osee hon. Mbom, Nyankopon beye Otanfo ma atanfo na Nyanko ma anyenkofo ama hon a wodze Nyankopon Ne mbranse ye edwuma na woye ndzeyee nyinara ma Nyankopon enyi gye ho. Biribiara a woye ma Nyankopon enyi gye ho no, Nyankopon hyira do. Hon a hon tsir aye yie nye Muslimfo no a wobo honho mbodzen de beebiara a owu boto hon no wowo tsebea a okyere de woye Muslimfo anokwarfo.

De mbre yeetum agye Nkonhyenyi Kronkron (NNN) no nokwar etuhoakye osomfo no ato mu no, Ahmadiyyafo so wode wobohonho mbodzen ye dza Nyankopon enyi gye ho na woma otsim. Iyi ye hen ahyedze a osod papaapa ara ma owode yedzi ho dwuma. Hadhrat Khalifatul Masih hwee so kaa, de mbre ne nsem towee faa no, n'etsiefio a nna orekasa kyere hon nye Muslim ebusuakuw nyinara, dem ntsi na oboo dzin de nwomahufio anaa banodzifo wo Nyamesom mu no. Muslimkuw ne fa kese hwe MTA (Ahmadiyya Muslim Television) dem ntsi hon nsa ka Ahmadiyyakuw hon nsem (dawurbo) nyinara.

Hadhrat Khailfatul Masih ne nsa ka nkrataa fi hon a wonnye Ahmadiyyafo nkyen; hon a wohwe MTA anaaso hon a woesua Ahmadiyya ho nsem. Krataa kor a ne nsa ka hon okyerewfo no kyere de se otsie Hadhrat Khalifatul Masih ne kasae na ohwe dza oroko do wo wiadze a nna onya awerehyemu de Mirza Ghulam Ahmad ye nokwarfo. Omaa hen atseyie na mbom onnyi ahodzen a odze bogye asetsenamu na Maulwifo no ato mu. Dem ntsi wobefa no de oye ohufio na mbom onkotum abeka Kuw (Jama'at) no ho. Obi so a onnye Ahmadiyyanyi kaa de, se hen kuw yi ye nokwar kuw dza, ono owode Nyankopon No mpense ho suro wo de oba ho. Hadhrat Khalifatul Masih ka de dem nkorofio yi wo de wokae de Nyankopon na ohye de wonka Taqwa do.

Ampaara, Ahmadiyya Kuw yi ye nokwar Kuw; dza osisi wo mfe oha eduonuanan ntamu yi ara mpo da iyi edzi. Se yehwe mbre aban horow si bo nto ye hen ayeyeadze, mbre Maulwifo hon Fatwa (mbra) a akenyan nkorofio ma woye hen ewurkadze, wofa ndomum kumkum hen, hyew Ahmadiyyafo hon adan, wopam hon fi edwuma mu, wosiw mbodoma kwan ma wonnya nwomasua ho kwan; iynom nyinara mpo Ahmadiyyafo gyina pintsinn wo hon gyedzi mu eso woye krado de wodze honho bobo afor a woto no abaw a onnhyia, yinom ye nsenkyeredze a okyere Ahmadiyya no nokwardzi. Se yedze iynom to nkyen a, Kuw yi ne kankoro do waawaa a okyere de Nyankopon "ye Banbifo nwanwaso na Oboafio nwanwaso ben a".

Ekuwekuw a wonam Islam dzin mu atsetsew a wodze Jihad ridzi dwuma horow no dze akasakasa hen Islam mu ara keke. Nyankopon si no ewur de Odze kunyimdzi ma hon a wonam Ne dzin mu dze Jihad dzi dwuma. Hwe, eben kunyimdzi na hon a wotra hon ndzeyee do yi nya? Muslimfo rokumkum Muslimfo. Onam dem botae yi ntsi woregyegye akodze fi obinom ho. Syriaman mu no, ekuwekuw apaapaa hon ntamu ridzi ako ma wodze aseredze to aman a owode Anee wiadze afamu de womfa akodze nko hon mboa ma wontu aban ngu. Muslimfo etuatsewfo na Muslimfo aban no dze dem akodze yi rokumkum honho. Ekuw ebien nyinara nnantsew Taqwa kwan mu; dem nkorofio yi eyi honho tokyen efi Nyamesom mu koraa.

Emir Timur ye Muslim ohen bi a (1336-1405) osoeree fii akohweabanye mu beyee ohen wo asaase yentamm bi do. Okaa de aber biara a orobotu sa no ohwehwe hu mu adze yie de Muslimfo ahemfo ye hon asomfo hon eyiedzi ma hon anaa wonnye; ana hon gyedzi si pi anaa onntse dem. se ohu de onntse dem a otu ahemfo no gu na odze Islam nhyehyee ba oman no mu. Okaa de no kunyimdzi gyina Nyankopon No mboa do. Emir Timur ne nhyehyee pii gyinaa perperye do; dem ntsi na onyaa kunyimdzi no. Mbom no so, kyere

etsirmɔdzen;mbom se yedze toto ahemfo nkaa no ho dem mber no a, ɔno na odzi mu sen hon nyinara. Oregye ne mberewye ato mu no ɔkaa de n'ahendzi kegyinaa ne perperye, nyansa na pegyaangyeddo; na ɔhwɛ n'asomfo nkunyim no do, na dem ndzeyee yi se wokye siantsir a ɔnam do ma onyaa kunyimdzi mu du a no mu akron na ɔboaa no; na no mu kor per na oduaa akodzi do anaa nhye do.

Hen mber do yi, ahemfo wo honara hon pe wo hon tsir mu nawohwe hon tum a wodze si egua do no ara. Asormu banodzifo no so dze honho ahye aperdzi wo tum hona hon mu binom atsetsew ewurkadze ekuwekuw anaade woye hon mboa. Wotsetse mbofra wo akodzi mu wo Nyamesom ntsetseebea (Madrassa)na iynom nyinara wodze ko tsia Muslimfo. Muslimnyi taa Muslimnyi no bogya do. Islam ye ɔdo na asomdwee som, a ne nkyerɛasee mapa kyere asomdwee na banbo na iyi yaw akwa. Mber yi mu nkorɔfo dze som no akehye akasakasa mu ara ma se ewurkadze bi si wiadze yi mu a Muslimfo ekuwekuw na wodze enyi punpun hon.

Otopae totow wo USA Boston kurow mu, hon a woko tsia Islam no kaa no ntsemara de Muslimfo na wodzii dem dwuma no. Wɔammbɔ kuw biara ne dzin na mbom kaã de kaa bo mu dzii dem dwuma no. Yeda Nyame asede dem ekuwekuw no pan hon se de wonyim ewurkadze yi ho biribi, na dem nyiano yi ara mpo yie dodow. Nhwɛ, ɔnam de woapow Taqwa ntsi, wokor do kaãde mbom wonnkã nkua dom dwumadzi yi ho naaso wobo ho nkyidom. Eɛen ndzinoa na wonyae fii tu a wotui hyee hon a wonnyi banbo do? Yehwe dem ndzeyee yi n'afã so a woka de obiara nndɔ Nkonhyenyi Kronkron (NNN) de mbre ehon wodo no na mbom woye ndzeyee a ɔnye dem do no bo ebira.

Ampaara de obiara a ɔdo obi annye yie koraa no ɔfa no supa a ɔda noedzi no kumaabi na Nkonhyenyi Kronkron (NNN) kyerekyeree de mma wonndzi obi a onndzi fo wo biribiara ho, mbofraba, mbasiafo, na hon a hon enyi efifir dzem wo ɔkober mu mpo na Kuran da no edzi pefee de, wontwetwa nngye hon a wowo nsorba nsorba bi mu. Dem dza worukumkum nkorɔfo wo ber a ɔko nsii na worema binom ridzi dzem yi e! Dawurbo krataa bi kyerewee de iynom nyinara wo gyinasi kortsee de wobokumkum Muslimfo nyinara. Binom mmpɛ de wobekyere hon adwen osiande Muslimfoko hon mboa.

Wiadze ne Anee afamu ha dze ewurkadze ntaa nnsi ha ma iyi n'akyir yetse enyimtww, mbom ahohiahia apetse Muslim amanaman pii mu. Beye oha ne nkyekyemu eduosun na osi wo Muslim amanaman mu. Dabiara yetse ewudzifosem wo Muslim man bi mu. Pakistan, Afghanistan, Egypt, Syria, Libya, Algeria, Sudan anaa Somalia Muslimnyi ruku Muslimnyi wo beebiara na iyi ko do mpo a onnyi de woye no wo Nyamesom dzin mu na dem ewudzi ma basabasaye yi nnyi de wodze dzin Jihad to do. Muslim amanaman a ewurkadze yaayaw tsim ho no asetsena mu perperye nnyi ho koraa. Ehiafo rokɔ ohia kokobin mu na Adzefo so rokɔ do nya honho mbordo. Akohweaban, ekunafo, ngyanka nnya edziban papa nndzi no mpɛn ebien dakor, wo Saudi Arabia a ɔnam ngo a wowo ntsi woye ɔdzefo. Se ehwe ɔye de Islam dzin mu ntsi womma mbasiafo kwan ma wonnye edwuma, mbom aban no so nnhwɛ hon eyiedzi. Se wodze edziban biara ba a ɔnnsɔ abaatan na hon mba. Hwe, ahenfie ne bamba noho woahyehye sika mfutuw wo ho, wo ber a amanfo no ruwu kom. Woyii

nomfonyin wɔ **television** do kyeree. Ahohiahia a ɔtse dem wowɔ Muslim aman bi so mu a aban no nnhwe ma asetsena mu perperye nnko do na ewurkadze roko do ma amanba no nndzi hon ahyedze do; se woma hon kwan a iyi so ye ewurkadze. Iyinom nyinara yi Taqwa akwa. Wokade Islam nkyerekyere esi pi, na oye dem so, mbom wofom ka de 'oye adzeyie' anaade Messiah anaade Nkonhyenyi yennhia no mprenpire.

Ampaara Nyankopon na Ne Nkonhyenyi (NNN) hyee nkɔm de dem nyimpa no beba abeye wiadze yie. Na dza ɔroko do wo wiadze yi rekrantse ka de Muslimfo hon wereefir hon nkyerekyere. Asordan pii wo ho naaso woye ho amanye asoee. Ampaara, Kuran wo ho naaso woye no afefedze na nwomahufo no akyere ne nkyerease de mbre obeyie ama honara na wotwe nkorofu ko osee kwan do. Oye mfom de ebeka de onnhia de obi beba osiande Nkonhyenyi Kronkron (NNN) ka de oye ehiadze de obi beba. Ampaara, oye ehiadze de obi fi Nyankopon ho beba abasaker Muslimfo na woaka Islam ho adwenhun no ahye na ɔdze wiadze abahye Nkonhyenyi Kronkron (NNN) no ne ntamadan no ase.

Aber a Nyankopon na Nkonhyenyi Kronkron (NNN) too nyia obeba no dzin de Nkonhyenyi no, woana na wo ho kwan de ofa noara ne nkyerease na oye n'akadofu no aye adze? Dza ɔroko do wo wiadze yi dzi ho dase de Kuran Kronkron a no mudzi tse de mbre n'ahyese noara tse no, Muslimfo hon Nyamesom, hon sunsum mu mudzi na hon brapa nyinara ato duansuar rohwe ase ma Taqwa reyew. Muslimfo dodowara robo bra a onnye Nyankopon Ne mbransum no nnko do. Wohia nyimpa bi wo dem tsebea yi mu ma ɔ'atse Islam ase mbre otwa fa na ɔatretre mu wo Muslimfo mu na Ahmadiyyafo de nyimpa no Nyankopon dze no bae de mbre Nkonhyenyi Kronkron (NNN) ne nkonye no a ohyee no wo mfe oha ntoatodo duanan (14<sup>th</sup> century) mu no tse no.

Onam Nyankopon N'adom na No mboa do kyerekyeree sunsum mu ahodze a ofi Kuran Kronkron no mu wo no mbuukuu mu na okyeree soronko a oda nokwar na akohwi ntamu. Odaa Islam ne mudzi sen wiadze nsorba nsorba nyinara na ogyee n'atamfo taferew banyin mbomu. Onam Nyankopon ne tsipia na mboa do nyinee kyeree na owui gyae adzedzi ho nhyehyee a obetsena ho afebɔɔ (Khilafat). Sor na asaase mfoaekyir a onyae no ko do ara, nam atoyamkyem do da edzi. Ana asaasewosow, nsuyirii, Muslimfo honho atsetsee wo wiadze nhye ma de obobue Pakistanfo na Muslimfo nkaa no hon enyi? Asaasewosow a osii nansa yi wotsee nka wo amanaman pii mu a Indonesia ka ho. Ohia de wodwen Nyankopon Ne tumsem a oridzi dwuma ho; ohia so de wonya nnuho na woye Istaghfar (sere bonfakye fi Nyankopon ho). Hon a wofre honho nwomahufu bohunahuna wo dze, wo de woma wuhu hon ndabraba a woreye. Ana wobotum akyere ndzeyee kor per wo Nkonhyenyi Kronkron (NNN) n'abrabo mu a onye hon nkyerekyere yi ko do nde ber yi? Dza Muslimfo wode woye nye wodwen hon wu ho na woye Nyankopon N'apedze na woye dza ɔtsen ma nyimpa.

Anohoba Messiah (ANN) kasae wo iyi ho kaa de: Oye me pe de kwan a Muslimfo rosom wiadze de mbre wo de wosom Otumfo Nyankopon na wode hon enyidado, hon were na ndzamba a ofa no wiadze ho no wo de wobubu no gosogoso. Na wode Otumfo Nyankopon Ne keseye na No tumdzi ahye hon akoma mu na gyedzi dua no bosow aba few. Mbom, biribi a ɔtse de dua wo ho siesieara, eso onnye dua tsen osiande woaka afa dua tsen ho

dé: Ana hom nnhu mbre Nyankopon dze asem papa ye mfatoho. Otse de dua papa, ne ntsin no tsintsim na ne abaw no du sor. Oyi n'aba mber nyinara onam n'Ewuradze tum ntsi...(14:25-26). Allah dze dua papa bi aye kasa ndanenyi bi de ogyina ho ma gyedzi a odzi mu na ne ntsin ye dzen na n'abaw du sor na onam n'Ewuradze Ne mbranssem do sow aba mber nyinara. ....ne ntsin no tsinstim.... Kyere de ne gyedzi ho nhyehyee wode oye dzen na oye nokwar so na onye gyedzi mapa ko do a osow aba aber nyinara. Onnyi de oye de dua wui.Hwenaka de yetse dem tsebea yi mu siesiara anaa?

Nkorofu pii ka de gyedzi no ho hia nye den? Obeye den beye de oyarfo kwasea beka de oduyefo no ho hia nye den? Se odwen de onhia oduyefo na noho nnhia no a eben nsunsuado na ne yarba no dze beba? Siesiara dze Muslimfo, de mbre otse noara, agye Islam ato mu na mbom wonnyi nokwar gyedzi tsebea mu. Se sunsum mu kandzea nye gyedzi ko do a nna odzi mu. Se yetwa no tsia a, dem nsem yi ho ntsi na m'aba. Dem ntsi, mma mmppe ntsem mmba me sombo de meye otorfo. Mbom, suro Otumfo Nyankopon na nu woho osiande hon a wonu honho no ye enyansafo. Yardom ho nsenkyeredzeno ye mbusu mapa na Otumfo Nyankopon eyi akyere me wo ho: '...ampaara, Nyankopon nsesa nkorofu hon gyinabew gyede honara sesa dza owo hon akoma mu no' (13:12). Iyi nye Otumfo Nyankopon N'asem na ndom nka nyia okasa tsia Otumfo Nyankopon. Otumfo Nyankopon aka de Ne pe sesa wo ber a akoma asesa. Dem ntsi suro Otumfo Nyankopon na bo hu wo N'ebufuwhyew ho. Obi nnkotum agye obi n'adzesoadze. Nkorofu pii nntum nndzi nokwar wo nsem a owo asendzibea ho; dem a nna eben suna ehwe a wobekyere wo Ndaambankwa a woaka afa ho de 'Da no a obi boguan efi no nua nkyen (80:35). Wokyerere ase fii Malfuzat Vol.8 Pg. 261-262.

Anohoba Messiah (ANN) ka de: De mbre obi ka degye Allah na Nkonhyenyi dzi naaso se onndzi mbranssem a woaka no do a, biribi tse de asoye, akonkyen, Hajj nye Zakat, Nyamesuro na ahotsewee na obedzi mbranssem a otum tsew nyinpa ho, na obeyi bon akwa na obeye papa nye dza okaka ho. Se obi annyé dem a wofre no Muslimnyi a onnye yie na yenntum so nka de owo tsenenee afadze. Demara so na se obi anngye Anohoba Messiah (ANN) no enndzi a, anaaso woennhu hia a ohia de ogye Anohoba Messiah (ANN) no to mu a, nna woennhu Islam no bo a osom, na woennhu Nkonhyenyi so no bo a osom. Dem nyimpa yi so yefre no Muslimnyi nokwarfo a onnye yie na woannyé setsie ama Nyankopon na N'asomafo. De mbre Allah nam Konhyenyi do ahye mbra wo Kuran mu no, demara so na Khalifa a obeba wo ewie ber no, noho nkonhye wo Kuran mu.Nkorofu a woanngye no enndzi na wobetsia no no, wofre hon etsirmodzenfo. Soronko a oda Kuran mu nsem na Hadith mu nsemmu no, (onnye soronko na mbom oye asem nkyeremu a oreyere Kuran nsem mu) onye de Kuran abo Khalifa no dzin na Hadith so afre dem Khalifa korno ara Anohoba Messiah. Muslimnyi papa ben na obeka de obi a Kuran ahye noho nkam na onam do ma omaa nyimpa no mbae ho hia no, onhia de obegye no ato mu (Wokyerere ase fii Malfuzat Vol.8 Pg. 261-262).

O! hom nkwiseafo, ebenadze na medze hom bototo ho, hom gyinabew tse de nkorofu tsibonfo bi a, obi ayeture fefew a nduadzewa ahorow pii wo mu na esutsen repem ase a oben hon fie na ndua a owin wo ase na oyemuyiefo yi ato nsa afre hon wo aber a wotse ewia mu na

ohyew dze hɔn na wonnya owin biara, na wonnyi nduadzewa biara so nndzi na wonnyi nsu a wobɔnom. Na hwɛ dɛ dem tsibɔnfo yi apow nsa a ɔyemuyiefo yi towee frɛɛ hɔn no. Na ɔnam do na ɔkɔm na nsukɔm ekumkum hɔn. Dem ntsi Nyankopɔn reka dɛ Ɔdze nkorɔfo fofor a wobɛtsena owin no ase wobedzi nduadzewa no na wobɔnom nsu dɛɛdɛw no. Nyankopɔn dze ayɛ mfatoho dɛ Dhul-Qarnain kɔtoo nkorɔfo bi a nna wɔrehyew wɔ ewia mu na dem nkorɔfo yi ammpɛ dɛ Dhul-Qarnain bɛboa hɔn, dem ntsi wɔkɔɔr ahokyer mu pii. Na Dhul-Qarnain san kɔtoo nkorɔfo bi so a wobisa no mboa tsia hɔn atamfo. Osii ban dze twitwaa gyee hɔn fii atamfo nsa mu.

Meka no wɔ nokwar mu dɛ emi nye dem Dhul-Qarnain no a Kuran aka no ho asem no a ɔbɔtoo amanaman hɔn mfenhyia ɔha no. na nkorɔfo a wɔrehyew wɔ ewia mu nye Muslimfo no a wɔanngye me annto mu no. Kristianfo no gyinabew tse dɛ obi a ɔtse mprɔtɔɔ mu na ɔmma n'enyiwa do nnhwɛ ewia mpo. Na nkorɔfo a wɔgyee ban maa hɔn nye akadofo a wɔagye me edzi no. Mekano wɔ nokwar mu dɛ woyinom nyenkorɔfo a hɔn gyedzi bɛgye hɔn nkwa efi hɔn atamfo nsa mu no. fapem biara a ɔnnye dzen no, hɔn a wɔyɛ mbataho (Shirk) anaa wɔnngye Nyame nndzi no bɛsɛɛ no. Mbom, me Kuw yi bɛtsena asembler tsentsen ana Satan ronntum nndzi hɔn do kunyim na ɔnnkotum afa hɔn ndɔmum. Hɔn nsem mpensampensamu nye hɔn adwen na kyere ano beyɛ ndam asen nkrantsee na ɔbɔwɔ asen pia na wɔbɔkɔ do edzi kunyim wɔ asɔr nyinara akɔpem atsembuada.

Oho! Hwɛ nkweiseafo no a woenntum annhyɛ me nsew no, hom nhwɛ sum kabii a wɔwɔ mu na woennya enyiwa ennhu nokwar kandzea no. Woenntum ennhu me osiande adwen bɔn afura hɔn enyiwa. Na hɔn akoma awe nkandar na hɔn enyiwa afura. Sɛ nkyɛ wotu anamon dze rokɔhwɛhwɛ nokwar na wɔtsew hɔn akoma mu efi wontwiwontwi ho a, wɔfaakɔnkyen wɔ adzekyee na wɔyɛ asɔr anafua, su frɛ Nyankopɔn a, nkyɛ Ɔyemuyiefo Nyankopɔn no beyi me bɔbew akyerɛ hɔn. Dza ohia nye nkyɛ wobosuro Nyame, Ɔno a Ɔbor ehia dze nyinara do no (Wɔkyerɛɛ ase fiiBrahin e Ahmadiyya Part V, Ruhani Khaza'in Vol. 21, pp. 313 – 315).

Anohoba Messiah (ANN) no san kyereɛw bio dɛ: O! Adasamba, mma hom mmbu Nyankopɔn enyimtsia nye Ne nsenkyerɛdze na hom nsrɛ bɔnfakye wɔ hom bɔn ho mfi Nyankopɔn hɔ, na wɔakyerɛ ahobrase wɔ N'enyim wɔ hɔn bɔn ntsi. Ana hom werɛ efi hɔn a wodzii hom enyim kan a wobuu asomafo no atorfo no dza hɔn ewie yɛɛɛ. Sɛ hom wɔ suro bi a hom nhwɛhwɛ sumabew mfi Nyankopɔn hɔ mfi dza hom adwen mu nntsew hom wɔ ho no. hom nsɔr nkorkor na hom nnyi hɔn a wɔyɛ enyitan no akwa na hom ndwen dɛ sɛ nkyɛ etsiafo a woedzi hom enyim kan no ana nsenkyerɛdze ammba hɔn nkyɛn? Ana hom nnye famfamfo wɔdɛ hom buu Nyankopɔn enyimtsia? Hwɛ Nyankopɔn Ɔdomfo Nokwarfo No annhyɛ me enyimyam, naWɔannhyɛ me nokwardzi ma, na Wɔamma me mbasantsen na Wɔannsɛ m'atamfo? Na ɔnam kasa na ndzeyɛɛ do akyerɛ nsenkyerɛdze akyerɛ hɔn a wɔwɔ enyiwa a wɔdze hu Nyame Kokroko No a Ɔdze ewia a akyer bosom na bosom so a akyer ewia wɔ Ramadhan bosom kor no mu ayɛ nsenkyerɛdze akyerɛ hom.

O! Adasamba me fi Nyankopɔn Otumfo no hɔ na m'aba hom nkyɛn. Ana hom mu bi wɔ hɔ a osuro Ɔsorsor Hen Kokroko No anaa hom botwa mu akɔ wɔ enyimbungudo

mu.Hom dze hom apam edur ekyir na hom dze mber tsentsen aye hom nhyehyee mber tsentsen tse de obfo. Ebenadze na hom nnyae kwetsir nkogu na ebenadze na hom rohwehwe a hom nyae kwetsir de hom seee hom gyedzi. Dem ntsi Muslimfo, hom nsuro Nyankopon. Ana hom nnhu de mbre Nyankopon esi ahye m'asem ma na Woama me bonfakye mbordo. Ebenadze ye hom ma hom ntwā hom enyi nhwē Nyankopon Ne nsenkyeredze yi? Na hom hyehye me ahoroba yi, ana hom nnhu de dza hom dwenee no aye nkontompo, na hom nsusuii so aye kwa.Mma hom mmbō hom tsir mu nka dza onnyi mu wō aber a wōrosō hom ahwe yi na hom ntow hom tēgyirama mu.Se hom ye atseneneefo a, hom nya nuho de obi a noho abow no na osuro de obenya ewie bōn. Nyankopon dō hōn a wonya nuho (Wōkyerē ase fiiHujjatullah, Ruhani Khaza'in Vol. 12, pp. 192 – 193).

Hadhrat Khalifatul Masih bōō mpaa de Nyankopon bobuei Muslimfo hōn akoma mu ama woetum atse Nyankopon Ne nhyehyee ase ama woenya banbō efi ohaw nye ahomtsew ber a wōwō mu siesieara yi. Ma wohu Odomankoma Ne nsenkyeredze a oye atowerenkyem ama wōatwe hōnho efi etsirmōdzen atsetsee a wōdze retsetsee hēn yi. Yesere de Nyankopon mma yenye atseneneefo na yenye nokwarfo wō hēn kasaa nye hēn ndzeyee mu ama yeetum abō adasamba kōkō wō osēe kēse no ho.

Translated by: 1. Mr. Alhassan Kobina Atta-Wenchie  
(Tutor in English Language, Jamiatul Mubashireen, Ghana)  
2. Maulvi Alhassan Bashir Annan Sahib  
(Tutor, Jamiatul Mubashireen, Ghana)  
3. Rasheed Possible Essuman Sahib  
(Second Year Student, Jamiatul Mubashireen, Ghana)

Downloaded from: [www.jamiatulmubashireen.org](http://www.jamiatulmubashireen.org)  
Contact: [www.jamiatulmubashireen.org/contact-us](http://www.jamiatulmubashireen.org/contact-us)